

Držite se dalje od opasnosti

Dafa je ovdje da spasi ljude u posljednjim vremenima; Dafa je kultivacija. Iako se neki pojedinci nalaze u okruženju Dafa učenika, oni zapravo nisu ušli u istinsku kultivaciju i u ključnim trenucima uvijek koriste ljudske vezanosti, ljudske predodžbe i ljudske emocije da procijene stvari; neki čak tvrde „Uradio sam to i to za Dafa, toliko sam doprinio Dafa“ i tako dalje. Ovi ljudi su također najskloniji da budu iskorištavani od strane zlih špijuna KPK.

Dafa je oduvijek postojao, a njegova manifestacija u ljudskom svijetu je spašavanje ljudi tokom posljednjih vremena. Da li su „ljudi“ potrebni da bi nešto učinili za Dafa? Dafa je taj koji spašava „ljude“! Nisu „ljudi“ ti koji rade nešto za Dafa! U kultivaciji, nepravda koju „ljudi“ trpe i to da su ljudi progonjeni od strane zla – to je Učitelj koji vas štiti, dok u isto vrijeme, umjesto vas, podnosi grešnu karmu. Učitelj vam nije dužan! Učitelj je klevetan od strane zle Partije samo zato što On sve vas spašava. Povjerioci karmičkih dugova koje ste dugovali život za životom, pa čak i žrtve vaših ogromnih karmičkih dugova insistiraju da platite, pa šta se tu može učiniti? Fa principi univerzuma također procjenjuju svaku osobu, i zbog toga će biti nevolja u kultivaciji i zato dolazi do progona. Ali onda, sred progona, ne uspijivate da postupate dobro, što uzrokuje da nevolje postaju još veće. Kada ne možete to da prevaziđete, počinjete da se žalite na Dafa, a neki se čak žale i na Učitelja. To ste vi sami koji imate problem; Učitelj vam ništa ne duguje. Dok vas Učitelj spašava, On također podnosi vaše grijehe umjesto vas i čak pronalazi sve vrste načina da otplati vašu karmu – vi ste ti koji ste dužni Učitelju. Nemojte misliti da ste, samo zato što ste objašnjavali istinu, prisustvovali nekim Dafa aktivnostima ili učestvovali u Dafa projektima, učinili nešto za Dafa ili za Učitelja. Učitelj je taj koji vam govori da se međusobno spašavate i pomažete jedni drugima, da spašavate druge dok spašavate sebe – ovo su živa bića koja se međusobno spašavaju u posljednjim vremenima. Ovo se ne radi radi Dafa. Dafa prirodno postoji; niko mu ništa ne može. Dafa je ovdje da spasi ljude u posljednjim vremenima, inače ljudi ne bi ni znali da Dafa postoji u univerzumu.

Svrha širenja istine učenika Dafe je da budu u stanju da se kale usred nevolja i tako odbace karmu dok ne postignu ispunjenje, a to čini prakticiranje kultivacije još smislenijim i veličanstvenijim. Ovo se ne radi ni za Dafa; to se radi za same kultivatore. Zlostavljanje i nepravda koju trpiš u progonu također eliminiraju tvoje vlastite grijehe, one ne eliminišu ništa za Dafa, a svakako ne eliminišu ništa za Učitelja! Dafa je tu da spasi živa bića, a to uključuje i tebe! Kako bi ti neko mogao biti dužan dok te spašava? Ti si taj koji je htio potpisati sporazum o dolasku na svijet prije konačnog raspada u posljednjim vremenima kako bi se mogao kultivirati u Dafa da bi spasio bića koja predstavljaš. Drugim riječima, iskoristio si svoj život da potpišeš zakletvu da ćeš postati Dafa učenik jer si želio da se kultiviraš u Dafa. Kada si prvi put dobio Fa, bili su to Dafa

učenici koji su ti rekli da je Dafa ovdje, i tako si počeo da se kultiviraš – niko te nije prisiljavao. Osoba može izabратi da se ne kultivira; čak i ako si iskoristio svoj život da potpišeš zavjet kada si sišao u svijet, kršenje tog zavjeta je također tvoja stvar i nema nikakve veze s bilo kim drugim. Da li se kultiviraš ili ne, to je tvoja stvar!

Neki ljudi kažu da su kultivatori, ali u stvarnosti nijedna od stvari koje rade nije ono što bi kultivatori trebali da rade, i oni čak često donose sramotu na titulu Dafa učenika.

Zato, govorim onima od vas koji se ne kultiviraju istinski i onima koji su postali ogorčeni nakon što nisu položili testove u kultivaciji: prakticiranje kultivacije služi da kultivirate sami sebe. Sve što radite, uključujući i ono što radite u objašnjavanju istine, kao i progon koji trpite, je proces kultivacije i nešto što se mora uraditi, a nasilni progon od strane starih sila također je uzrokovan karmom koju imate. Ništa od ovoga se ne radi za Dafa, niti se radi za Učitelja, već zbog toga što imate karmički dug, stare sile imaju nešto za šta mogu da se uhvate.

Da li je to što je zbog svoje samilosti prema živim bićima Učitelj podnio previše za vas, ili što je zbog Njegove nade da možete uspjeti u kultivaciji učinio previše za vas, da se sve to uzima zdravo za gotovo? Neki čak misle da će Učitelj nekako dobiti neku korist od vas. Osim što snosi stvari za vas, Učitelj ne dobija ništa od vas. Učitelj to radi samo zato što brine za živa bića! Da li ćete uspeti u kultivaciji ili ne, također je vaša stvar. Faispravljanje univerzuma je stiglo do posljednjih vremena, i nakon što se ovaj period završi, desit će se ozbiljan proces selekcije i eliminacije. Pazite na sebe! Dafa učenici koji su prošli kroz ovaj istorijski period, vas čak i bogovi poštuju. I vi biste trebali cijeniti sebe što ste uspjeli prebroditi ovaj neviđeni, najopakiji progon. Postanite neko ko je istinski prosvijetljen! Samo ovo je ono za što bogovi misle da je veličanstveno!

Vaš Učitelj,

Li Hongzhi
31.08.2023.

Prevod na bosanski, 02.09.2023.